



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

9 Februari 2021
27 Jamadilakhir 1442H

SENARAI AKHBAR	TAJUK
Utusan Malaysia	<ul style="list-style-type: none">• Latok Port Dickson jana RM1 juta• Gagal seludup benih kerang
Berita Harian	<ul style="list-style-type: none">•
Harian Metro	<ul style="list-style-type: none">• Rezeki anggur laut
Kosmo !	<ul style="list-style-type: none">•
Sinar Harian	<ul style="list-style-type: none">• Gagal seludup benih kerang• Jabatan Perikanan siasat tular ikan dituba di Sungai Serting
The Star	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysia Dateline	<ul style="list-style-type: none">•
Bernama	<ul style="list-style-type: none">•
See Hua Daily News (Kuching)	<ul style="list-style-type: none">•
Guan Ming Daily	<ul style="list-style-type: none">•
The Borneo Post	<ul style="list-style-type: none">•

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POS						13	9/2/2021		

UBA M/S 13 9/2/2021

Latok Port Dickson jana RM1 juta

PORT DICKSON: Kesukaran mendapatkan bekalan latok segar untuk pelanggan di dua buah restoran milik mereka di Kepong dan Shah Alam mendorong sepasang suami isteri mengusahakan kolam pembiakan latok seluas 0.4 hektar di Lukut dekat sini, sejak tahun lalu.

Fatimah Salleh, 38, yang berasal dari Semporna, Sabah dan suaminya, Abdul Samad Idris, 44, sebelum ini terpaksa mencari pembekal latok dari Semporna dan beberapa buah negara seperti Jepun, Filipina, Thailand, Vietnam dan Indonesia.

"Kami mengalami kesukaran mendapatkan bekalan latok dan terpaksa pula mengimport latok dari luar negara. Kami kemudian mengambil pendekatan membiak latok secara komersial di sini sejak tahun lalu.

"Kami mempunyai dua buah restoran iaitu Ikan Bakar Semporna di Shah Alam dan Kepong yang kedua-duanya menghadirkan latok sebagai menu utama kepada pelanggan yang singgah ke situ," kata Fatimah kepada pemberita semalam.

Latok atau dalam bahasa saintifiknya, *caulerpa lentillifera* iaitu sejenis rumpai laut berwarna hijau.

Bagi masyarakat Sabah khususnya kaum Bajau Laut, latok biasanya dimakan sebagai ulam bersama nasi dan lauk-pauk yang dihidang dengan campuran perahan limau kasturi, bawang serta cili padi.

Menurut Fatimah, dia mampu menjana jualan RM1 juta dan boleh menghasilkan kira-kira dua tan latok sebulan.

"Saya mempunyai 15 kolam dan kami memerlukan 50 hingga 70 lagi kolam takungan untuk tambahan mengusahakan latok bagi menampung permintaan di seluruh negara.

"Saya juga tidak boleh menerima banyak tempahan luar kerana dua restoran saya memerlukan 30 kilogram latok sehari untuk pelanggan dan pada hujung minggu pula sebanyak 30 kilogram latok digunakan restoran," katanya.

Fatimah memberitahu, latok hanya ada di beberapa lokasi sesuai iaitu di Langkawi, Johor, Melaka dan Port Dickson.

"Kami menanam latok menggunakan air laut dengan proses membiakan dalam kolam buatan. Jika ada yang bertanya sama ada sukar atau tidak, ia agak mudah kerana hanya memerlukan suhu sesuai dan air laut yang bersih kerana ia mudah rosak jika air laut kotor.

"Hanya selepas enam bulan baru kami mengetahui cara membiakan latok dengan berkesan selepas beberapa eksperimen dilakukan," katanya.

Tambahnya, Jabatan Perikanan Negeri Sembilan juga turut membantu mencari lokasi sesuai untuk mengusahakan latok di negeri ini.

"Kawasan pantai Port Dickson memang tidak sesuai, kami pernah ke Terengganu, namun tidak juga sesuai kerana ombak yang kuat. Latok hanya sesuai jika kawasan tersebut dikelilingi pulau," katanya.

"Latok yang dihasilkan di sini lebih organik kerana kami menggunakan 100 peratus air laut," katanya.



FATIMAH Salleh dan Abdul Samad Idris menunjukkan latok yang diusahakan secara komersial di Lukut, Port Dickson. - UTUSAN/
ZAKKINA WATI AHMAD TARMIZI

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO!		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL		33		

UM MIS 33 9/2/2021

Gagal seludup benih kerang

Oleh SHAMSUL KAMAL AMARUDIN

lutusannews@mediamula.com.my

LUMUT: Benih kerang pun menjadi barangan seludup. Terbaharu, pihak berkuasa perikanan Perak berjaya mematahkan cubaan menyeludup benih kerang bernilai RM58,000 ke negara jiran menggunakan trak tunda di Pantai Remis semalam.

Taktik terbaharu menggunakan trak tunda itu gagal apabila kegiatan itu berjaya dihidu pihak berkuasa menerusi satu tangkapan pada kira-kira pukul 4 pagi.

Dalam tangkapan itu, sebanyak 42 guni benih kerang bernilai RM58,800 ditemukan disorok dalam kawasan ruang kosong trak tersebut yang ditutup dengan beberapa biji tayar.

Ketua Cawangan Pengurusan dan Perlindungan Sumber Jabatan Perikanan Perak, Sallehudin Ismail berkata, tangkapan itu hasil risikan pihaknya dan Pasukan Polis Marin (PPM) sejak empat hari lalu.

"Ketika ditahan, trak itu dipercayai dalam perjalanan ke Sungai Petani, Kedah, sebelum semua benih itu difahamkan akan dipindahkan ke kenderaan lain untuk diseludup ke negara jiran.

"Ini adalah kes pertama menggunakan trak tunda diubah suai untuk seludup kerang yang kami jumpa," katanya dalam sidang akhbar di Pang-



SALLEHUDIN Ismail (kanan) menunjukkan benih kerang yang cuba diseludup ke luar negara menggunakan trak tunda yang dirampas di Pantai Remis, semalam. - UTUSAN/ SHAMSUL KAMAL AMARUDIN

kalan Cawangan Perlindungan Sumber CPS Kampung Acheh dekat sini semalam.

Yang turut hadir, Ketua CPS Kampung Acheh, Mansor Yobe.

Menurut Sallehudin, dua lelaki yang menaiki trak tersebut berusia 22 dan 31 tahun dipercayai diupah oleh orang tengah dan sudah dibebaskan dengan jaminan polis sementara menunggu tindakan selanjutnya manakala semua benih kerang dan trak tunda berharga RM240,000 disita.

Katanya, benih kerang tempatan bernilai tinggi dan menjadi sasaran diseludup ke Thailand kerana harganya empat kali ganda lebih tinggi jika dijual di negara tersebut.

Beliau berkata, selain tangkapan itu, pihaknya dengan kerjasama PPM melakukan beberapa tangkapan lain yang melibatkan kes kesalahan berkaitan kerang dan bubu naga dalam operasi bersama pada kelmarin dan semalam dari kawasan Pulau Pangkor hingga Kuala Bernam.

Kelmarin, katanya, operasi itu berjaya menahan tujuh lelaki berusia antara 17 hingga 50 tahun selepas disyaki terlibat kes pengambilan benih kerang di kawasan pengkulturannya di Lekir dekat sini melibatkan 32 kes dengan nilai rampasan RM134,250.

Menurut beliau, turut disita ialah empat guni benih kerang, 18 unit alat menanggung benih bergalah, tujuh unit alat menanggung benih penggunaan tangan serta lima sampan.

JENIS AKHBAR					MUKA SURAT	TARIKH
UTUSAN MALAYSIA		KOSMO!	THE STAR	NANYANG SIANG PAU		
BERITA HARIAN		SINAR HARIAN	THE SUN	ORIENTAL DAILY		
HARIAN METRO	✓	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF			NEGATIF	NEUTRAL	21	9/2/2021



LATOK yang diusahakan di Port Dickson turut mendapat sokongan Jabatan Perikanan Negeri Sembilan.

Oleh Mohd Khidir Zakaria
am@hmetro.com.my

Port Dickson

Sapa menyangka rumpai laut latok yang popular di Sabah sebenarnya mampu ditenak secara serius di labai di sini. Usaha penanaman rumpai laut yang turut popular dengan panggilan anggur laut itu dilakukan Fatimah Saikh, 38, dan suaminya, Abdul Samad Idris, 44, sejak dua tahun lalu.

Maiah, latok yang dibalikkan itu dibekalkan untuk dua restoran di Kempong dan Shah Alam, Selangor.

Fatimah berkata, dia sebelum ini terpaksa mendapatkan bekalan latok dari Sabah ataupun dari Thailand.

"Berlutan kesukaran mendapatkan bekalan berterusan, saya dan suami mencari jalan untuk menanam rumpai laut ini, sekali gus menjadi pengeluar pertama di Negeri Sembilan."

"Bagi mendapatkan ilmu menternak latok, kami pergi ke beberapa negara seperti Jepun, Filipina, Thailand, Vietnam dan Indonesia," kata wanita berasal dari Semporna, Sabah ini.

Katanya, hanya beberapa

Rezeki anggur laut

HM 21
9/2/2021

Pasangan usahakan penternakan latok pertama di Negeri Sembilan dapat sambutan menggagalkan

lokasi sesuai untuk penanaman latok seperti di Langkawi, Johor, Melaka dan Port Dickson.

"Namun kami menanar latok menggunakan air laut dengan proses pembiakan dilakukan di darat."

"Menternak latok memerlukan suhu yang sesuai dan

juga air laut yang bersih kerana ia mudah rosak jika air laut kotor. Selepas hampir enam bulan, barulah kami memperoleh cara membiakkan latok dengan berkesan selepas beberapa eksperimen dilakukan," katanya.

Tambah menguatkan semangat mereka apabila usaha itu disokong Jabatan Perikanan Negeri Sembilan yang ba-

nyak membantu.

"Latok agak sensitif pada air dan suhu kerana itu ia memerlukan tumpuan penjagaan. Air laut ini kami proses dahulu sebelum penanaman dimulakan."

"Latok memerlukan cahaya matahari bagi menghasilkan latok yang sihat dan panjang sekitar lapan inci. Apa yang menarik, latok ternak ini lebih bersih, kualiti lebih baik, lebih sedap dan tidak hanyir seperti latok yang tumbuh meliar atau dalam sangkar di laut," katanya.

Fatimah berkata, latok yang siap diproses dihantar kepada agen di seluruh Malaysia, malah turut mendapat permintaan dari pengusaha restoran makanan tempun di Kuala Lumpur.

"Kami kini ada 13 kolam ternakan latok dan kami memerlukan 50 hingga 70 lagi kolam takungan untuk tambahan ternakan latok bagi mencukupkan permintaan di seluruh negara," katanya.



FATIMAH dan suaminya membiakkan latok yang ditenak secara komersial di dalam kolam takungan.

"Menternak latok memerlukan suhu yang sesuai dan juga air laut yang bersih"
Fatimah

JENIS AKHBAR						MUKA SURAT	TARIKH
UTUSAN MALAYSIA	KOSMO I	THE STAR	NANYANG SIANG PAU				
BERITA HARIAN	SINAR HARIAN	✓ THE SUN	ORIENTAL DAILY				
HARIAN METRO	NEW STRAITS TIMES	THE MALAY MAIL	PELBAGAI				
KATEGORI LIPUTAN: POSITIF		NEGATIF	NEUTRAL			24	9/2/2021

MALAYSIA

SH M/S 24 9/2/2021

Gagal diseludup benih kerang

42 guni benih kerang cuba diseludup guna trak tunda

Oleh SAIFULLAH AHMAD

SITIAWAN

Jabatan Perikanan Perak dengan bantuan Polis Marin dalam Operasi Inter-Agensi mengagalkan cubaan menyeludup 42 guni benih kerang bernilai RM58,800 menggunakan trak tunda pada Isnin.

Ketua Cawangan Penguurusan Sumber dan Perlindungan Jabatan Perikanan Perak, Salehudin Ismail berkata, operasi itu juga berjaya menahan dua individu masing-masing berusia 22 dan 30 tahun yang merupakan pemandu dan kelendan trak tunda berkenaan.

Menurutnya, nilai rampasan 42 guni kerang tersebut RM58,800 manakala trak tunda pula dianggarkan bernilai RM240,000.

"Ini kes pertama yang kita kesan menggunakan trak



Salehudin (kanan) menunjukkan benih kerang semasa sidang akhbar di Pengkalan Utama Jabatan Perikanan Perak, Sitiawan pada Isnin.

tunda untuk menyeludup benih kerang ini kerana sebelum ini penyeludup menggunakan lori yang diubah suai dan kereta.

"Benih kerang yang diambil dari Kebun Kerang Lekir ini dipercayai cuba diseludup ke utara tanah air dan negara jiran menggunakan orang tengah," katanya kepada pemberita pada sidang akhbar di Pengkalan Utama Jabatan Perikanan Perak, Kampung Acheh di sini pada Isnin.

Beliau menjelaskan benih kerang tersebut diseludup secara transit ke beberapa lokasi sebelum dijual ke Thailand.

Dalam perkembangan sama, Salehudin berkata, operasi itu sebenarnya bermula sejak 6 Februari selama tiga hari membabitkan kawasan Pangkor hingga Kuala Bernam.

Katanya, dalam tempoh itu Jabatan Perikanan berjaya menghasilkan 37 kes dengan 33 kes berkaitan benih kerang manakala baki empat kes membabitkan bubu naga.

Menurutnya, seramai 18 individu berusia di antara 17 hingga 50 tahun ditahan dalam operasi tersebut.

"Antara barang dirampas dan disita termasuklah sampan, bubu naga, kor

tangan, kor bergalah dan enjin bot.

"Nilai keseluruhan rampasan dan barangan yang disita berjumlah RM657,930," katanya.

Jelasnya, kesemua ditahan melakukan kesalahan di bawah Seksyen 8(a) Akta Perikanan 1985, Peraturan 3, Peraturan-Peraturan Perikanan (Pemulihan dan Kultur Kerang) 2002 dan Seksyen 11 (3)(a) Akta Perikanan 1985.

Sehubungan itu katanya, pihaknya akan terus bekerjasama dan menggerakkan Operasi Inter-Agensi dari masa ke masa dalam menguatkuasakan Akta Perikanan 1985.

"Kerjasama ini dapat membantu memberantas kegiatan ini dalam memastikan sumber marin dipelihara daripada ancaman kepupusan.

"Kita amat memandag serius isu kecurian benih kerang di Perairan Lekor dan mana-mana perairan di Perak. Perairan Lekir diwartakan kepada Jabatan Perikanan Perak untuk tujuan pembangunan kebun kerang," katanya.

JENIS AKHBAR							MUKA SURAT	TARIKH
UTUSAN MALAYSIA		KOSMO I		THE STAR		NANYANG SIANG PAU		
BERITA HARIAN		SINAR HARIAN	✓	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		23	9/2/2021

